

10. gr.

Hafnarstjórn ber skylda til að sjá um að starfsmenn hennar hafi hlotið lágmarksþjálfun í notkun þeirra björgunar- og öryggistækja sem eru á hafnarsvæðinu.

Hafnarstjórn skal skipuleggja innra eftirlit með öllum þáttum þessara reglna. Tíðni innra eftirlits skal vera nægilegt miðað við aðstæður og skipulagt í samráði við Siglingastofnun Íslands. Starfsmenn Siglingastofnunar skulu sannreyna virkni innra eftirlits hverrar hafnar einu sinni á ári eða oftari ef þörf þykir.

11. gr.

Reglur þessar, sem settar eru með heimild í 3. mgr. 19. gr. reglugerðar um hafnamál nr. 232/1996, staðfestast hér með til að öðlast þegar gildi.

Samgönguráðuneytinu, 31. mars 2000.

Sturla Böðvarsson.

Jóhann Guðmundsson.

REGLUR

fyrir samvinnunefnd um svæðisskipulag í Austur-Húnavatnssýslu.

1. gr.

Samvinnunefnd um svæðisskipulag í eftirtöldum 10 sveitarfélögum: Ás-, Sveinsstaða-, Torfalækjar-, Svínavatns-, Bólstaðarhlíðar-, Engihlíðar-, Vindhælis-, Höfða- og Skagahreppum auk Blönduósbæjar, hér eftir nefnd samvinnunefnd um svæðisskipulag í Austur-Húnavatnssýslu, er svo skipuð að í henni eiga sæti 21 fulltrúi. Hver sveitarstjórn skipar tvo fulltrúa ásamt varamönnum. Skipulagsstofnun tilnefnir fulltrúa sinn til þess að starfa með nefndinni með fullum réttindum annarra nefndarmanna öðrum en atkvæðisrétti. Formaður skal skipaður úr röðum nefndarmanna.

2. gr.

Hlutverk samvinnunefndar er að vinna að svæðisskipulagi fyrir umrædd sveitarfélög og leggja fram tillögu þar um, sbr. 12. og 13. gr. skipulags- og byggingarlaga nr. 73/1997 og 4. kafla skipulagsreglugerðar nr. 400/1998. Um ágreining um hlutverk nefndarinnar fer eftir 8. gr. skipulags- og byggingarlaga nr. 73/1997.

3. gr.

Fundi samvinnunefndar skal halda eigi sjaldnar en tvisvar á ári. Formaður boðar til fundanna með a.m.k. 7 daga fyrirvara og ákveður fundarstað.

Fundur er lögmætur ef formaður/varaformaður og helmingur annarra nefndarmanna er viðstaddur. Afl atkvæða ræður úrslitum. Þó getur nefndin ekki ályktað um mál sem varða sérstaklega hagsmuni eins sveitarfélags að fulltrúum þess fjarstöddum.

Nefndin kýs sér ritara og vararitara. Viðstaddir nefndarmenn og ritari skulu undirrita fundargerð í fundarlok eða á næsta fundi þar á eftir. Sá fundarmaður sem andvígur er ákvörðun meirihlutans á rétt á að fá sérálit sitt bókað.

Sendi skal fundargerðir samvinnunefndarinnar, sveitarstjórnnum, Skipulagsstofnun og umhverfisráðuneyti.

4. gr.

Þegar samvinnunefnd hefur samþykkt tillögu að skipulagi svæðisins skal með hana farið skv. 13. gr. skipulags- og byggingarlaga nr. 73/1997.

5. gr.

Samvinnunefnd setur sér nánari vinnureglur.

6. gr.

Skipulagsstofnun greiðir kostnað vegna síns fulltrúa. Héraðsnefnd Austur-Húnavetninga greiðir kostnað við störf samvinnunefndar og framkvæmdaráðs ásamt öðrum fundakostnaði.

7. gr.

Samvinnunefndin ræður sér sérfræðing (ráðgjafa) til aðstoðar við skipulagsvinnuna og gerir við hann skriflegan samning. Greiðast laun og annar kostnaður við störf hans að hálfu af Skipulagsstofnun og að hálfu af héraðsnefnd Austur-Húnavetninga.

8. gr.

Stefnt skal að því að samvinnunefndin ljúki störfum fyrir 31. desember 2003. Að rökstuddri beiðni nefndarinnar getur umhverfisráðherra framlengt starfstíma hennar, þó ekki lengur en eitt ár í senn.

9. gr.

Reglur þessar, sem settar eru samkvæmt 4. mgr. 12. greinar skipulags- og byggingarlaga nr. 73/1997 ásamt síðari breytingum, öðlast gildi þegar í stað.

Umhverfisráðuneytinu, 4. apríl 2000.

Siv Friðleifsdóttir.

Ingimar Sigurðsson.

SAMÞYKKT

um afgreiðslu byggingarfulltrúans í Garðabæ á byggingarleyfisumsóknum.

1. gr.

Byggingarfulltrúinn í Garðabæ afgreiðir án samþykktar byggingarnefndar eftirtalin verkefni:

1. Umsóknir ásamt teikningum sem varða sérbýlishús, þ.e.a.s. einbýlis-, par- og raðhús.
2. Umsóknir ásamt teikningum sem varða viðbyggingar og minni mannvirki.
3. Umsóknir ásamt teikningum er varða breytingar á innra skipulagi mannvirkja.
4. Umsóknir um uppsetningu girðinga.
5. Umsóknir um breytingu á bílastæðum.
6. Umsóknir um trjáfellingar.
7. Viðurkenningu á staðbundnum réttindum iðnmeistara, sbr. gr. 37.2 í byggingarreglugerð nr. 44/1998.
8. Númerabreytingar á lóðum.